



**Василий  
ЛОДЫГИН**

## ЛАЧА

ПОЭМА

*Ыджыд коми гижысь  
Вениамин Тимофеевич  
Чисталёвлы (Тима  
Веньлы) сиёмён*

1

"Видза олан, гажа нёрыс -  
Пожом дзуа Помос бок<sup>1</sup>.  
Метог уличын и йорын  
Мед оз ветлы эськё шог.

Медся бур од, морт кё сьылё,  
Кутё вылын асьыс юр.  
Менё йоткыштисны ыло,  
Кодъяслыкё эг ло бур.

Вылыс Човыйд<sup>2</sup> - Коми му жё,  
Но оз овсы тани, оз.  
Таса одзоссо он чужйы  
Да он лэбзы борды моз.

Видза оланнуд, бур йозой,  
Ог тай сёрнигытё кыв.  
Эм жё тани енаж лёзыс,  
Сомын сёлёмой оз сьыв.

Овны ылисян ог велод,  
Но и шутёгыс ог ов:  
Водзё югыдланьыс келой,  
Велодчытёг пемыд лов.

Челядь - миян водзё олём,  
Налыс югдойй ти юр.  
Ота-модлы нэмсё колёй,  
Сэки ставыс лоас бур.

Видза олан, муса Ара<sup>3</sup>,  
Медся дона менам морт.  
Гажтом менё босытис бара,  
Ок и ёна жаль мен горт.

Синва сорён, кёнкё, олан,  
Тода: ёна сёкыд тэд.  
Месё татысь кор на вола,  
Некод вочакыв оз сет.

Нинёмабусыс од суйис  
Менё татчё торксьом лун.  
Мунё власьтён индом туйод,  
Гуся ордымод эг мун.

Некор некодлы эг шулы,  
Медым юксис Коми му  
Да эз ов роч кабыр улын,  
Дзикодз вошты коми ру.

Шули сомын, мися, колё  
Коми вёсна бурджык тожд,  
Медым кыпыдджыка оліс,  
Шогсё отарё эз пож.

Йозсё чуксали, мед быдён  
Вөлі уджын би да борд,  
Медым содім лолён-лыдён,  
Няньён-солён кутім горт.

Кыв да литература туялысьяслөн,  
критикьяслөн, гижысьяслөн, лыддысь-  
ысьяслөн кывкёртөд серти Эжва йывса  
гижысьяс пөвстысь коми литератураб  
медся ыджыд пай пуктис Вениамин  
Тимофеевич Чисталёв (Тима Вень).  
Мый дон сулалёны «Ныв сетёмыс» да  
«Трипан Васыс»! Некодкөд откодявны  
сылысь поэзиясё.

Ыджыд гижысьыс творчествосё  
выло донъяломён, сийёс йёз дорё ма-  
тыстём, пыдісянджык төдмөдём вы-  
лын важысян нин уджалё ас районса  
гижысь Василий Лодыгин, коді лэдзліс  
«Эжва йывса колпн» книга, отырыштя  
гижё Тима Веньлөн олём да творчество йы-  
лысь. Сы моз жё велөдө том гижысьясё.

Ыджыд уджён лоис сийё, мый В.Ло-  
дыгин гижис Тима Веньлөн сёкыд  
судьба да ставнас коми литературалён  
сёкыд туй йылысь «Лача» поэма. Сийёс  
и вёзъям лыддысьысьяслы.

Сьодас олём - абу олём,  
Сэки радлунтё он төд,  
Сэки шудаон он лолы  
Да и кынёмыд оз пёт.

Ме серти кё, луныс пуксьё,  
Медым нимкодясис морт.  
Шудыд уна пельё юксьё,  
Сылён медся кокни борд.

Коми мортлөн, кызди-й рочлөн,  
Вежор тырмё да оз ям.  
Абу яндзим некод водзын -  
Быдтор выло тырмё сям.

Сылысь кисё кё он көржав,  
Сылысь вомсё кё он вур,  
Чужан мусё сядйё портас,  
Сэни лоас ставыс бур.

Некыз Трипан Васёй<sup>4</sup> менам  
Абу бөрё кыкысь морт.  
Сийё сёкыдлунгяс венё,  
Кутё олан руён горт.

Сийё овмёс вёсна тожда,  
Зильё, ставыс вөлі мед.  
Ачыс аслыс чөжө көшта,  
Йозлысь гусявны оз пет.

Сийё - олёмыслөн сюрёс,  
Керкаяслөн подув кер.  
Буретш сыкөд лоас бурис,  
Югдас олёмыслөн сер.

Ог жё ошкы сэтшөм мортёс,  
Кодлөн гортын кулё шыр,  
Кор страналён медбур ёртыс -  
Коді гөрө, берто мыр?

Но да, ладнө. Чайта, воас  
Менё шогысь мездан лун.  
Тадзи лоас, бытысь лоас,  
Эг од, кёнкё, дзикодз вун.

Сідзсё чорыда нин вися,  
Абу олысь ёна дыр.  
А од чайтли коркё: мися,  
Сёбдз подулас ог пыр.

Гортын метог дзолёг ёлыс,  
Метог оэйё пельысь чаль.  
Ставыс метог сэни колис,  
Вөчтом керка медся жаль.

Ыджыд керка сад кодь йорын...  
Ме од, думысь, вөчи поз,  
Медым уна гижысь төрис,  
Сэни оліс гортас моз.

Медтё эськё воліс Савин<sup>5</sup>,  
Сандрик Микол<sup>6</sup>, Изъюр Вань<sup>7</sup>...  
Воліс быдён, төрим ставён,  
Тырмис вөлөга и нянь.

Татысь мыйён коркё мына,  
Керка бердө-й босытча пыр.  
Меным вөля содтас вынёс,  
Шудыс лоё сёлём тыр.

Менам локтөдз кызкё ов на,  
Кызкё челядьтё вай видз.  
Эн жё усь тэ, Ара, ловнад,  
Локта мыйён, лоас лич.

Отсасыштё, кёнкё, Авъя<sup>8</sup>,  
Джоджтё мыскыштё да мый.  
Сийё збылысь миян авъя,  
Рудзёг няньным выло вый.

Чайта, отсасы и Муза,<sup>9</sup>  
Сийё миян зэв жё зиль.  
Помся мыйкё вөчө-нузё,  
Синсё бөрдөмысь оз тиль.

Зэв на дзоля миян Вокан<sup>10</sup>  
Да, дерт, нинөмсё оз куж.  
Но од коркё Эжва бокин  
Сийё на и содтас вуж.

Кутчысь кызкё, кутчысь, Ара,  
Көть и кушмис овмёс куд.  
Аслым нинөмсё ог гарав,  
Кызкё челядьнымёс кут.

Кызд нё сиктным олө-вылө?  
Гажыс овлө али оз?  
Оз кё кыв од гажа сьылём,  
Сьёлём сукарысь на кос.

"Ныв сетёмой"<sup>11</sup> гажа вөлі,  
Өні сылы, дерт жё, тас.  
Менам гижөд, менам гөлөс  
Чужан муын эз ло ас.

Коми мортлөн коми горён  
Воссьё-кыпыдалё лов.  
Сийёс узьтөдлыны дорын,  
Видны, бөрддзодны оз ков.

Мыла кывйысь, кыпыд руысь  
Эськё некод мед эз кут.  
Мортлы сомын чужан муысь  
Сюрё, да-й оз век на, шуд.

Кызди сэни менам ниа<sup>12</sup>?  
Чайта, кутчысяс, оз пөр.  
Али мелөн моз жё йиа  
Сылөн зумыд сёлём шөр?

Пожом тильсё школа дорысь  
Челядь лелькуйтёны мед.  
Садтөг-йөртөг мортыд корысь,  
Сытөг шудыс оз и шед.

Вөрас-ваас зыкөн олам,  
Дзужгё пила, камгё чер.  
Лөньодчыштны эськё колё,  
Мед эз быгав парма сер.

Өдлы, гижы бура уна,  
Ачыс петис - кыв да мод.  
Мыйкё пасйи, мыйкё вунис,  
Мыйкё югыд, мыйкё сьод.

Бөрьяпомыс тадзи шуа,  
Көть и метог төдса тэд:  
Мыйкё ковмас - йөзлысь юав,  
Эм кё аслад - налы сет.

Сомын отув шогсё венан,  
Сомын отув аддан шуд.  
Тадзи чайтё тэнад Веня,  
Тайёс төдвылад век кут.

Ме бур йөзлысь и гижя,  
Быттё потка өкта тусь,  
Кытчөдз корйыс моз ог вижөд  
Да кын дорыш вылас усь.

Эска: гортын лоа бара,  
Аддза асьыс ю и му.  
Аддзысьлытөдз, муса Ара,  
Ог на "прөчайтлысё" шу".

2

"Муса Веня, видза олан,  
Гижя тэныд гоз-мод кыв.  
Бөрти ачым бытысь вола,  
Шондодас кор ывлавыв.

Митё сёкыда, но олам,  
Кызкё-мыйкё кольё лун.  
Бөрдла, но эг усь на лолён,  
Ог на йөзё корны мун.

Отсалёны рөдным-вужным,  
Отсалёны шань, бур йөз.  
Вермим төвсё кызкё вуджны,  
Эз на кынты миянёс.

Миян вёсна тэ эн шогсы,  
Сьёлөмтё эн дзикөдз ви.  
Вотлім ягсер Помос боксыс,  
Эмышт картофелыд и.

Кызкё олам, керка поныд,  
Век на эмышт воддза пес.  
Зэв на-й буретш гортын лоны,  
Медтё тэнад мынас вез.

Ме од тода: абу мыжа,  
Нинөм лёксё тэ эн вөч.  
Няньён катис тэнад пыжыд,  
Йөрө төрича эн көдз.

Пемыд йөзлы югыд нуин,  
Медым вежор төдіс юр.  
Лэптін овны кыпыд руён  
Да век вылын кутны юр.

Төждөн-уджён мунліс воис,  
Гижин-пессин лунысь лун.  
Йөзыс сыланкывья лонс,  
Озджык вина-сурё сун.

Жалитёны найё тэнө:  
Шань пё вөлі Тима пи.  
Кодкё корё лэдзны Енмёс,  
Кодкё эскё: югдас би.

Бурё эскөмыс и кутё  
Уджсё төдысьяслысь лов.  
Ставён вөдитёны мутё,  
Вермысь скөттөгид оз ов.

Отсалёны вөрыс-ваис,  
Сомын туй да ордым төд.  
Мед кё абу сэни маыс,  
Сийён кынёмыд оз пёт.

Ачым тшөтш жё бурас эска,  
Татөг эськё важөн кын.  
Талун лолёйлы кё дзескыд,  
Аски лоас олан вын.

Югыд кадыс сингяс водзын,  
Кор на томёс вөлім ми.  
Тэкөд дөзмывлім ми шоча,  
Өзйис сёлөманым би.

Ёна жё и сёлём куліс,  
Кор салдатын видзис кад.  
Сэки тулыс эз вөв тулыс,  
Көть и дзоридзаліс сад.

Петис нюмой сэки вөлись,  
Сингяс водзын лоин кор.  
Гажа вөлі миян көлысь,  
Шудыс вөлі пом ни дор.

Ёна жё и кыпыд лолён  
Сэки олім тэкөд ми.  
Дөзмывлөмыс көть и лоліс,  
Сийё шуднымёс эз ви.

Вывтё ёна уджсё төдін,  
Коркё шойччылін ли эн.  
Бөрти төгөрвоны мөді:  
Ковмас миритчыны мен.

Эн од асьтё флаг моз лэпты,  
Лэптін йөзлысь сям да лов.  
Эн кё быттё ачид лэб тэ,  
Эз и мукөд бордйөн ов.

Өні олан гажыс лөнис,  
Йөзлөн сёлөмгьясын - дой.  
Йиджөм вира кыя вөнныс,  
Волё лун, но быттё вой.

Абу вөлөсёт вылын сылан,  
Быттё төгөр личкис ун.  
Сьодас йөзыс олө-вылө,  
Медтё сомын колис лун.

Гашкё, кёнкё да и гажа,  
Көні гажа - ме ог төд.  
Эз нин некод волы важөн,  
Оз и усьлы югыд вөт.

Олём весьтын сардмөм шалльён  
Дорсян помөдз енаж от.  
Кылыштё на кёнкё чалльөг,  
Гашкё, сёлөм дзик оз пот.

(Помыс 6 лист бокин).